

versos da andaina galiñeira



fomos varios miles
nunha andaina circular
pola proteccion do galiñeiro
sen pancartas nen consignas
camiñando por pistas e corredoiras
e os poucos cabalos e ovellas
ollaban para nós sorprendidos

e voltando ao punto de partida
en pequenos circulos xantamos
e fixemos un gran circulo darredor
do palco das palabras e das musicas
desta querida serra do galiñeiro

ai se os mesmos miles outro dia
nos fixeramos visibles na cidade
ai se foramos outro día ás portas
do concello e da delegacion da xunta
ás portas das eolicas e das mineiras...

de zamans ao galiñeiro 21-4-2013

poema defensa da serra



cuarta andaina pola proteccion
da serra do galiñeiro
pola defensa dos seus vexetais e animais
das suas augas minerais e ventos

cando chove na serra do galiñeiro
as augas van para o miñor e a ramallosa
e outras augas vanse cara o rio miño
diferentes pero irmáns camiños
que dan forma a esta terra nosa

todos e todas os que vivimos
debaixo desta serra
somos fillos e fillas dela
defendamos as entrañas desta montaña
defendamos cada pedra desta serra

estamos aqui pola liberdade do vento
aqui estamos polas terras raras
nós raros e raras no medio da floresta

declaramos a nosa comunitaria palabra
estamos aqui por esta pequena
e inmensa e fráxil herdanza

manolo pipas

versos para ser lidos
no evento logo da andaina